

Tonga - Kuumbulizya Magwalo - Comfort Scriptures

2 Ba-Korinto 1:2-4 Amube aluzyalo aluumuno kuzwa kwa-Leza Taateesu aku-Mwami Jesu Kristo. 3 Alumbwe Leza Wisi wa-Mwami wesu Jesu Kristo, Taateesu siluzyalo, Leza siluumbulizyo loonse. 4 Nguwe uutuumbulizya mumapenzi esu oonse, kuti tukakonzye kuumbulizya boonse bapengede kuluumbulizyo olo ndulonya ndutuumbulizizigwa tubeni kuli-Leza,
Tusimpi 15:13 Moyo uukondwa ulaangununa busyu, Pele mubusu bwamoyo muntu ulafwidwa muuya.

1 Bami 8:66 Lino nibwakaca buzuba bwamusatu aatatu wakamwaisya bantu. Nkabela bakalumba mwami akuya kumaanda aabo cakukondwa acakusekelela mumyoyo yabo nkaambo kabubotu boonse Jehova mbwaakacitila Davida mulanda wakwe aba-Israyeli bantu bakwe.

1 Makani 16:10 Amutembaule izina lyakwe lisalala Ikondwe myoyo yabasikuyandaula Jehova.

Tusimpi 12:25 Buusu bwamumoyo wamuntu bulamulemezya, Pele ijwi ibbotu lilamusekelezya.

Tusimpi 13:12 Bulangizi butafwambi kuzuzikizigwa bulacisia moyo, Pele moyo nuujana ncuusukeme, musamu wabuumi,

Isaya 30:26 Alimwi mumuni wamwezi uzooba mbubonya mbuli mumuni wazuba, amumuni wazuba uyoovuzigwa ziindi zili musanu azibili, ube mbuli mumuni wamazuba aali musanu aabili, mubuzuba obo Jehova naazooanga zyuumo zyabantu bakwe akusilika mabunda ngubayaside.

Hosea 13:8 Njoobaswana mbuli cinyama cabbidwa bana baco, njoodeluula lulyananga Iwamoyo wabo, njoobalidilila mbuli syuumbwa, amunyama wamusokwe uyoobakwamauna.

1 Samuele 1:8,10 Lino Elikana mulumaakwe wakamwaambila wati, Ino Hana, nkaambonzi ulalila? Nkaambonzi tolyi? Nkaambonzi moyo wako ulaciswa? Teensi ndime nenkubotela kwiinda bana bali ikumi na? 10 Lino Hana mbwaakaciswa moyo wakali mukukomba Jehova cakulilisya.

Intembauzyo 25:16,17 Sandukila kulindime, undifwide luse, Nkaambo ndafwa bukata, ndipengede. 17 Buusu bwakumoyo wangu bwakomena; Kondigwisya mumapenzi aangu,

Intembauzyo 34:18 Jehova uli afwaafwi kubawizukide mumoyo, Ulafutula batete myuuya.

Intembauzyo 38:8 Ndafwa cinywe, ndatyolaulwa; Ndatongela nkaambo kakupilingana kwamumoyo wangu,

Intembauzyo 55:4 Moyo wangu ulaciswa loko mukati kangu; Buyoofu bwalufu bwandisikila.

Intembauzyo 61:2,3 Kuzwa kumagolelo aanyika njookwiita, Moyo wangu nuulenda. Undeenzve, undisisyen kundomba idamfu kwiinda ndime. 3 Nkaambo webo waba macijilo aangu, Injanda yangu indamfu yakundivuna kulibasinkondoma.

Intembauzyo 62:8 Amumusyome kuziindi zyoonse, nobantu; Amutule myoyo yanu kulinguwe; Leza ngemayubilo esu, Sela.

Intembauzyo 73:26 Nekuba kuti mibili wangu amoyo wangu zyamaninina, Leza ninguzu zyamoyo wangu acaabilo cangu calyoonse.

Intembauzyo 77:2,3 Mubuzuba bwamapenzi aangu ndakayandaula Mwami; Ciindi camasiku ndatambika maanza aangu cakutaleka; Moyo wangu wakakaka kuumbulizigwa. 3 Na ndaibaluka Leza, ndatongela; Na ndamuyeeya, ndalengauka. Sela.

Intembauzyo 86:11 Njiiyisya inzila yako, O Jehova, kuti njeende mulusinizyo Iwako; Mbe simoyo omwe kukulemeka izina lyako,

Intembauzyo 109:22 Nkaambo mebo ndi mucete, ndipengede; Moyo wangu uliyasidwe mukati kangu.

Intembauzyo 112:7,8 Tayoowi makani mabi pe; Moyo wakwe uliimvvi nji, nkaambo ulasyoma Jehova. 8 Moyo wakwe ulikede, takonzyi kuyoowa, Mane lumwi akabone kuzundwa kwabasinkondonyina.

Intembauzyo 143:4 Muuya wangu wawizuka; Moyo wangu wayoowa mukaango kangu,

Intembauzyo 147:3 Ulaponya batyokedemyoyo, Ulaanga zilonda zyabo, Tusimpi 14:30 Moyo uukede ulaponya mibili, Pele ibbivwe lilabozeka zifuwa.

Mukambausi 1:13 Lino ndakabika moyo wangu kukuyandaula busongo bwakupandulula zintu zyoonse zicitika ansi ano. Ilakataazya milimo Leza njapa bana baAdamu kuti baibeleke.

Mukambausi 2:10 Kufumbwa cintu meso aangu ncaakali kuyanda, teendakali kwaakasya pe. Teendakakasya moyo wangu kucita neciba comwe cibotezya, nkaambo moyo wangu wakali kukondwa kumilimo yangu yoonse, Mbubulumbu mbundakajana kumilimo yangu yoonse.

Mukambausi 2:22,23 Muntu ulajana impindunzi kumilimo yakwe yoonse akukulipenzya kwakwe koonse ansi ano? 23 Nkaambo mazuba aakwe oonse alizwide mapenzi, amilimo yakwe ilakataazya. Akuciindi camasiku moyo wakwe tuukede cakuliiba. Eci acalo ncabuyo.

Mukambausi 11:10 Gwisya buusu mumoyo wako, akutanda makataazyo kumubili wako, nkaambo bwanike abucedo bwabuumi zyoonse nzyabuyo.

Isaya 30:29 Muyooba alwiimbo, mbubonya mbuli ciindi camasiku ipobwe nililigwa, akukondwa kwamumoyo mbubonya mbuli ciindi cakuya busiba nyeele kuya kucilundu ca-Jehova Mandomba aa-Israyeli.

Isaya 57:15 Nkaambo mbuboobu mbwaamba Mulemu Uusumpwidwe uukede mubwami butamani, izina lyakwe ngu-Uusalala. Ndikede mubusena

busalalisya busumpwidwe, pele mubombumoyo uupengede alakwe ndikede awe. Ndime uubusya muuya wamuntu uubombede akukatalusya moyo wayooyo uupengede.

Isaya 65:14 Balanda bangu bayooimba cakukondwa mumoyo, pele inywe muyoolila mumause aamyoyo yanu, muyoomoka mukupenga kwamyuuya yanu.

Isaya 66:13,14 Mbubonya mbuli muntu banyina ngubaumbulizya, ambebo njoomuumbulizya, nkabela muyooumbulizigwa mu-Jerusalemu. 14 Lino myooobona, nkabela myoyo yanu iyookondwa, azyalo zifuwa zyanu ziyojata inguzu mbuli mweemvwe. Kuyoozibwa kuti ijanza lya-Jehova ndeligwasya balanda bakwe, pele basinkondonyina ulabakalalila.

Jeremiya 15:16 Majwi aako naakajanwa, ndakaalya, nkabela majwi aako akandibeda lukondo abusekelezi bwamoyo, nkaambo ndaambwa muzina lyako, O Jehova Leza wamakamu.

Jeremiya 24:7 Nkabela njoobapa moyo wakuziba kuti ndime Jehova, lino bayooba bantu bangu, ambebo njooba Leza wabo, nkaambo bayooboola kulindime camoyo woonse.

Johane 14:1 Myoyo yanu itapengi, kamusyoma Leza, kamundisyoma amebo, Johane 14:27 Ndamusiila luumuno, ndamupa luumuno Iwangu, nsimupi mbuli mbwiipa nyika, Myoyo yanu itapengi nokuba kuyoowa.

Johane 16:6 Pele nkaambo ndakamwaambila zintu ezi, myoyo yanu ilizywider buusu.

Johane 16:22 Anywebo mulausa eno pele ndiyoomubona alimwi, myoyo yanu iyookondwa, akwalo kukondwa kwanu takukwe uuti kamunyange.

Incito 2:46 Mazuba oonse bakali kusungweede amoyo omwe muntempele, akukomona mukamu mumaanda aabo, balya zilyo zyabo akubotelwa amyoyo iituba,

Ba-Roma 9:2 kuti ndili abuusu bupati, alimwi ndaciswa lyoonse cakutaleka mumoyo wangu,

2 Ba-Korinto 2:4 Ndakamulembela cakupenga loko acakuciswa mumoyo amisozi minji, nkabela oku teekwakeensi kwakumufwisya buusu, pe, kwakali kwakumuzibya luyando lupati ndunjisi kulindinywe.

Ba-Efeso 5:19 Amulayane lyoonse antembauzyo anyimbo zya-Leza amalelebu, akuya bwiimba akutembaula Mwami mumyoyo yanu,